

L2G QARASAUJAKKUT TAKUNNAQATTAUTILUTIT KATIMANINGIT QAUJIMAJAMINIK UNIKKAAQATTAUTIJUT

L2G Qarasaujakkut Takunnaqattautilutit Katimaningit qaujimaminik unikkaarninginni ukiuqtaqtumi immiiniqtailimatittinirmut iqqanaiaqatinik qaujimaqattautilutikkanniullugit namituinnaq nunalinnit saqqijaaqtaukkanirlutillu atuliqtittinirmut immiiniqtailimanirmut parnautiit aulatauqut unikkaarlutit qaujimajaminik silarjuap ukiuqtaqtunginni. Qarasaujakkut katimalauqtut tallimaraaqittutit ikarranut pingasunut Viivvuarmi Maajimut 2021.

Piqataulauqtut

Pingasuujuqtunik Piqataunginnaqtuqarngat Ukiuqtaqtumi Katimajinginni niruaqtaumajut



katittugit 14 immiiniqtailimanirmut pilirijiuvattut nunanginni. 12 nunaqaqqaaqtuminiullutit, qanuittunit atuutiqtattianiqaangummangaata uqaqpattut qanuq kamagijariaqarmangaag immiirasuqattaqtunit Ukiuqtaqtumi Nunaqaqqaaqtuminirnit. Taimaak takussaummat **naqillugu taanna attatarviksaq takuniarlugu nunannguaq**, piqatauqut ukuangullutit Mialigait Nunangannit, Kanatami, Kalaaliit Nunani, Nuauai, Suiitan Ulaasaalu. Marruuk Saamimiuk nillialaurmijuk Vinisngullutik ilajuqaqtaquq Sampimiunit.

Takunnaqtaugialiit

Kamagijauqialiillu Qanuq

Sivuninganni piliriqatigiilauqtutit katimallutit, inuisattunit

Ukiuqtaqtumi Nunaqaqqaaqtuminirnit pilirijimmarinnit aaqqiilauqtut qanuittunit apiqsuutiqarniarmangaata qarasaujakkut qaujimanirminit unikkaaqaliqqata. Malittugit taikkua, ukua turaagarijauqujaulauqtut uqausiullutit:

1. Nalunaijarlugit iliqqusiuniaqtut aaqqiumajjutaujunnaqtunik nunalinnit pigiaqtittisimalutit immiiniqpattut qattiinnarurasuakkanirlugit
2. Malillutit atuqtauaqattaqsimajunik nunaqaqqaaqtuminiit surusinginni/inuusuttunit ammalu qanuq pijarialinginni pititauvammangaata
3. Isumagilugillu isumalirijiuvattut nunaqaqqaaqtuminiruqtijuumilugit
4. Asinginni qinirlutit piqqusinginni aturlutit isumalirijusigiqattaqsimajanginni sannginiqsaujunik nalunaiqsinasuarniarnagata.

Katimaqataujulimaat qarasaujakkut qaujimanirminit unikkaaqtut tamakkua ilisaijiit ilinniaqtiillu, katimaninginni takunnaniqsaummata ilinnianirmit sanngatikannirasuaqtut Ukiuqtaqtumi Nunaqaqqaqtuminirmit imminiiqtailimatittinirmit.

Pijariilaurninginni

Katimaninginni unikkaarunnalauqtut Qarasaujakkut Qaujimajaminik unikkaatillugit Titiraqtaulauqtut Pilirijinut (Graphic Recorder) Nipitsitiu Nuaput (guitsin alla), titiralaqtut Kalaaliisut, Inuttitut, Ulaasaatitut Qallunaatitullu.

takugiarunnaqtait tallimanut akinnarmiutarnut Kalaaliisut
Takugiarunnaqtait tallimanut akinnarmiutarnut Inuttitut
takugiarunnaqtait tallimanut akinnarmiutarnut Ulaasaatitut
takugiarunnaqtait tallimanut akinnarmiutarnut Qallunaatitut

Ilakkanninginnillu, amisukallannit tukisigiarutitaqarmijuq atuqtaugiiqattaqtuni ukiuqtaqtuup nunalinginnut takussautittilaurmijut Ukua uuttuutiujut, atuinnaujut Qallunaatitutuapaluk Ulaasaatitullu:

1. Sila Malittugu Imminiiqattaqtut Ukiuqtaqtumi Nunaqaqqaqtuminiit Nunanginni (taakkuninga [PC-Cares](#)): taanna takussautittijuq ulurianaqtunit ulurianangittunillu imminiirasuqattaqtuminirmit saqqirajuttut aujautillugu ukiulinnit 29-nit ungataanullu.
2. Angirrami Pittailimatitauningit (taakkuninga [PC-Cares](#)): Taanna isumaqsaqsuutikkanni qanuq nunalinni ikajurunarmangaata imminiiqtailimatittinirmit mikijuruluugaluarnit angirrami asijjiqattarluni, piluaqtumit nuqqangatittinirmit.
3. Mikijuugaluat, Tunnganaqtualuugasunngikkaluarluni Tunnganaqattarluni (taakkuninga [PC-Cares](#)): Taakkua titiraqsamajut atuqtauvattut ilinniatittitillugit nunalinni qanuq mikijuugaluarnit, tunnganaqtualuugasunngikkaluarluni tunnganaqattarluni imminiiqtailimatittikannisuullariit.
4. Pilirangujuq CREATEs Qarasaujarmiittut Unikkaat imminiirminit inuunasuarnimillu Ukiuqtaqtumi Nunaqaqqaqtunit inuusuttunut unikkaat uvani atuinnaujuq <https://www.projectcreates.com>.
5. Qanutuinnaq nuqqangatittikannirasuarlutit tamanna pimmariummat qarasaujarmiittunit unikkaaliangusimajut taimailuuqattalauqtut Ukiuqtaqtumiutait Nunaqaqqaqtuminit inuusuttut (taakkuninga [CREATEs Piliriaq](#) ammalu [ICC](#)).
6. Qanuittuuninginni nalunaiqtausimajut qarasaujamiittut unikkaat aaqqisuqtausimajut Ukiuqtaqtumi Nunaqaqqaqtuminirnut inuusuttunut (taakkuninga [CREATEs Piliriaq](#) ammalu [ICC](#)).
7. Ajjigiinnginningit inuusuttut innaillu isumagijangit (Liisa Uakslu, Puranta Gutvin ammalu PC-Cares-kunnu sanajausimajut): Taanna nalunaijaisimajuq ajjigiinnginninginni isumagijangit inuusuttut innaillu innait imminiiqtailimanasuttunit qattiinnaruqujiut Nunalinginni Alaaskami ammalu tamakkiik katujijut pimmaruujunik uqaqatigiilauqtut.
8. Nunaqaqqaqtuminiit Surusiit Aanniaqtailimanirmit Inuunasuattariaqarnimillu, inuusuttut inuunasuattariaqarnirmit qaujisaqtaungit aaqqisutausimajut isumagijanginni nunaqaqqaqtuminiit surusirmit missausattausimajunik ulurianaqtumiittugijauullutit 97%-mit maannaujuq Inunnit surusirmit Aatuaamiittunit ilitturunarningillu asinginni nunalinnit (amisukallannit tukisigiarutittalik titirarvissamillu surusirmit atuinnaujut aturlutit uumunga <https://achwm.ca>) (Qallunaatitutuatuutuinnaqtuq).
9. Inuppiat Ilagiit Inuusingita Ingirraningit (Titiraqtausimajuq Linna Juul, Mamisaqtuliriji Ikajuutissanut Aulattijujuq taikani [Maniilaq Association](#)): Taanna atuqtaujunnarmijuq ikajuqtuijuti ilagiinnut angijuqqaarijaujut ilinniarutissanginnut inuppiani uppirijanginni unikkaaliit Alaaskamit.

Parnattiit Ilinniatittijillu

Taakkua L2G Qarasaujakkut Katimallutit qaujimaninginni unikkaaqtut parnattaulauqsimajuq Inuit Ukiuqtaqtumiinguqatigiinnut Katimajinginnut ammalu Saami Katimajinginnut kiinaujaqaqtitaullutit Kanatami. Ilisaijulauqtut ukua:

- Sauma Vuat (Inuk-Kanata), Inuit Ukiuqtaqtumiinguqatigiit Katimajingit
- Suusanaa Isrialsan (Saami-Nuavai), Saami Katimajingit
- Tuuns Jaansan (Saami-Suiitan), Saami Katimajingit
- Jaanitan Paratais, (Kanata) Asiani Isumaqaqarnirmit Pilirijimmariit

Kingullirmi Pinialirmijavut

1. Pingasunit aaqqissuivallialirmijut malittugit qaujimanirijaujut saqqilauqtut:
 - a. Qanuq nilliattiarunnaqqita imminiirniup missaanut
 - b. Piqatautittiniqsauqattarluni imminiiqtailimatittikannirasuarnirmut
 - c. Ajjiginngitangani kamanasuarluni imminiirasuarnimut ajjigiinnginninginni inutuinnat namituinnaq ammalu Ukiuqtaqtumi Nunaqaqqaqtuminiit
2. Silarjuami namutuinnaq qangataavissaulirmippat, Inuit Ukiuqtaqtumiinguqatigiit Katimajingit ammalu Saami Katimajingit pilirinasuaqtut katimatittilaqtutit takunnaqattautilutit qaujisarlutit ilinniatittiinnarlutillu unikkaaqaqattarlutit qaujimaninginni ukiuqtaqtumi imminiiqtailimatittijinik.

Qattillariuqattarningit

- Piqataunginnaqtut Pingasuujutut nirualauqtut ikajuqtillariuniaqtunik
- 85% piqataujunik ammalu 75% ilisaivattut Ukiuqtaqtumi Nunaqaqqaqtuminirnit
- Piqataujut unikkaarisimajangit, 100% kiulauqtut atuliqujigajannguaqtut piqataujillutit Qarasaujakkut Katimajinginni qaujimajaminik unikkaaqlutit piliriatiminut/nunaqatiminullu

Iliqutittiavat

- Nipaittuugunniirlutit imminiirniup missaanut ammalu nilliajjutittiavaugunnarlutit
- Immikkuuqtut nunalinni ajjiungittuligunnarnagata imminiiqtailimanirmut:
 - Tunnganaqattarluni
 - Angirrami kisuarjurullu asijjiqattarluni imminiiqtailimatittigasuarluni allaak 10-ministuinnaq ikajurniqarunarnagat ungavariaqtinasuaqattarlugu
- Nunaqaqqaqtuminiit inuusuttuit innaillu ajjigiinngittunit isumaqarajummata pijaugialinnik imminiiqtailimatittinasunninginni ammalu inuusuttuit isumagijangit isumagijaujunnaqtut piruqpallianinginni ilinniarutingitamisuniqsaili
- Isumanasunniqsauungummata isumalirinirmuungajunit pijjutiqaqtutit ammalu imminiiqtailimatittigasugunnarninginni, aanniaqtailimajulirijikkut qanimaniraillutit kamagijaugiaqaqtut ukiuqtaqtumi nunaqaqqaqtuminirnut takujangilli pigiarutigivattangit assuруutingit nunalinginni taimak ilangit ulurianaqtumi qattalisuut imminiirumaningit:ulurianaqtumi itaungunnarningit katimajiniingaaqtunik suurlu nunait tigujaqattarningit
 - Inulirinirmit taimailluangittitnirmit makuningalu illulirinirmut ilinniaqtulirinirmullu
 - Taimailluaqtitaqattanginni uviniqatigijaunnginirnullu ilainnaaqtauningit nunaqaqqaqtuminiit
 - Ulurianaqtumi itauningit nunaqaqqaqtuminiit piqqusingit, uqausingit ammalu inuusuarninginni nunaqaqqaqtuminiulutit

- Pitaqariiqutut ilinniarutissait piqujaillu pilirijiuvattunut attuiniqarniqpaangusimajunik takuvattut nunalinni ajjigiipalunnit isumaaluutiqaqattarajuttut:
 - Aaqquisuqtausimajut atuqtutit piqatauqattanirmuungajunik
 - Nunalinnut turaangallutit nunaqaqqaaqtuminiit uppirijanginni atuqtutit
 - Tilijaujjutiulauqtut atuliqtitaullutillu nunaqaqqaaqtuminirnut
 - Ilaliujjilaurmijut isumalirinirmut pijittirautinik kamallutillu ilagiinniujunik, sanngatikkaniqtugit sivulimininnginniingaaqtut, piqqusirminik atuqtutit tukiqarniqsaujuutinginnillu aqqissuillutit, nunamuunganiqsaunasuaqtutit piliriqatiqakkaniqtutillu inunnit ikajuqtaunituinnamuugasunngittuq